

Mike Eman:

Famia Eman den politica ta simbolo do honestidad



ORANJESTAD(AAN):

Mike Eman den presencia di su 7 rumannan, su mama y otro famia di su banda a bisa cu e ta contento cu e sentencia aki a logra saca su ruman homber for di cunucu pa trece back banda di dje den e arena aki, pa hunto nan bataya pa libra Aruba di e gobernantenan aki, cu en bez di a tuma e mandato di nos pueblo pa construi un mihor futuro pa e pais aki, pa yuda esnan den necesidad y pa traha pa nos muchanan, a

dicidi cu gobernacion ta: kita hende for di trabao y persigui hende.

Segun Mike Eman, ni si bo investiga 1 of 100 aña lo bo no haya prueba di des honestidad den e famia politico Eman, cu a haya e honestidad aki for di nan mama, y di nan tata y abuelo.

Si bo tin cu muri pover pa bo sirbi bo pais, bo tin cu hacie, y si bo tin cu muri, pa bo pais lo bo mester muri, pero hamas permiti hende kita bo honestidad y

integridad for di bo.

Esaki segun lider di e partido berde cu a bisa cu esaki ta politica segun creencia di su famia.

Eman a bisa tambe cu na September 2005, persecusion politico lo termina, unda cu e hendenan deshonesto di MEP lo no ta mas den Gobierno, y pueblo lo sa con pa libra nos pais di e personanan tambe cu no ta den Gobierno pero tambe ta participa den e actonan di persecusion.